

OMUKWETU

Registered at the General Post Office as a Newspaper 15c



ONDJALULAMASIKU 1982

YA HOLOKA

OTAYI PULA 50c

IMONENA YOYE MBALA,

MANGA KUYELE.

~~~~~

## A HULITHA

OMUKWETU okwa kundana no-  
luhodhi kutya omumbisofi  
gwaAnglikana omukulu, mu-  
Namibia, okwa manene oo-  
ndjenda muLondon eti  
17/11/1981, omolwuuvu wo-  
mutima. Okwa thigile po  
Namibia (1972) palombwelo  
lyepangelo lya SA.  
Manga a li nomwenyo,  
Winter okwa kala e uvite  
ko omaudhigu gaaNamibia,  
nokwa nyola nokuli oshi-  
ndji kombinga yoshilongo  
shika.  
Omuwa na hekeleke ayehe-  
yehe.

## Eegululo lyOshinyanyangidho uunake?

Aantu oyendji - unene tuu  
mboka yi igilila okuyakulwa  
kOshinyanyangidho shongeleka  
ya ELOK p0niipa, naayeheyeh  
mboka ya li ya gandja sha o-  
molwetungululo lyOshinyanya-  
ngidho shika, oye li po nga-  
shingeyi ya yuulukwa okuuva  
kutya otashi ka egululilwa  
iilonga yasho uunake. Ndika  
epulo li uvitike.

Okwa li ngaa kwa ningwa efane-  
ko opo ando Oshinyanyangidho  
oshipe shi kale sha pwa oku-  
tungwa manga eti 15/10/1981,  
inaali thika, sho ando shi ka  
egululwe meti 19 Novomba, mo-  
ka sha fikilwe po komutondi  
gwongeleka yaKristus nogwoshi-  
gwana.

MOmukwetu gwonomola 20 omwa  
popiwa nkene iilonga yetungu-  
lulo tayi humu nawa komeho.  
Omwa li wo mwa popiwa ngeyi:  
"Nonando esiku 15/10/1981 lya  
palutha, molwomatompelo gu u-  
vitike, etegameno olyo ndika

kutya etungo otali ka kala lya pwa pehulilo lyomumvo 1981. Pauyelele mbuka, eyamukulo lya yela kepulo ndika, otali ka adhika petameko lyomumvo tagu ya 1982. Ashike aaleshi naamuhe mu hole oshilonga shika inamu limbililwa.

Omafaneke agehe gopantu haaluhe haga tsakanithwa-omolwaasho ge li aluhe omafaneke. Iituningitha mbyoka ya kala inaayi monika kuyele oyo tuu ya ningi eimbo lyokwaatsakanithwa kwefaneke.

Iipeleki mbyoka ya kala ya tegelelwa, opo ya thiki ngashingeyi osho tuu wo osamende yokukolonga pevi nayo oya kala yaa wetike. Ashike mpaka otapa longwa man! Otaku ti ngaa kolo ko taku ti mbandu! Ontsi oya tsima ngaa - etegameno opo li li kutya iilonga otayi ka thikithwa mabala pehulilo, omashina ga langekwe pomahala naantu ya ka ithanwe koshituthi sheegululo lyOshinyanyangidho.

## **Martin Nambala Ashikoto a mana oondjenda**

Omukwaniilwa Martin Nambala Ashikoto, ngoka a landulile omukwaniilwa Kambonde Namene melelo lyOndonga, okwa mana oondjenda moshipangelo shaNandjokwe eti 22Novomba 1981. Ashikoto okwa li a lala oshilongo 1959 nopethimbo lyelelo lye

uupolitika okwa li wa pupyala. Omolwoshinima shaNiiye, Nambala okwa li a kwatwa mo moshilongo, kEpangelo lya SA nokwa pangulwa moVenduka e ta falwa muupongekwa kuNEUHOFF, nkoka a kalekwa mlupe luukwatwa.

Ethimbo lyuupongekwa sho lya hulu okwa li a galulilwa moshilongo 1973, kee shi we omuleli gwoshilongo. Okwa adhika e na egumbo lye kOnethika, ihe okwa kala a nkundipala ethimbo alihe, sigo uuna nduka sho a hulitha.

Efumviko olya ningilwe meti 26 Novomba 1981 megongalo lyaandjawa kOntananga.

OMUKWETU ota halele aatekulu yaNiipindiifupi noshilongo ashihe ehekeleko tali zi kuKalunga, ngo e li omuhekeleki nomukwaniilwa gwaakwaniilwa.

# OOPROYEKE 442 DHOMBIMBELI MUAFRICA



Omundohotola Eugene Bunkowske, omuungakaneki gwiilonga yomatoloko gOmbibeli muAfrica, medhina lyehanganonyedhina "United Bible Societies", okwa tseyitha okuza moshilando, Stuttgart shandowishilanda lyokUuninginino, kutya muAfrica omu na ngashingeyi ooprojeke 442 dhomatoloko gOmbibeli momalaka gi ili nogi ili gAayafrica. Ooproyeke 365 dhomundhika, ano ooperesenda 83, odhi li etoloko lyotangotango momalaka ngcka. Omatoloko omakwawo 72 ngoka gi ipyakidhilwa nago ngashingeyi muAfrica, ogo omatoloko omape momalaka moka mu na nale Ombimbeli, ndele oyi li molupe lwelaka ekulu lyaantu, ndyoka


itaali uviwa ko we nuupu kipi egundjuka. Ooprojeke ntano dhomundhika odho omapaleko ashike gelaka moombimbeli ndhoka dha tolokwa nale nodha kala melongitho.

Omusamane Bunkowske okwa tumbula kutya muAfrica omu na omalaka ngoka haga popiwa kAayafrica ge li pokati 1600-2000 mowindji. Okwa tsikile ko ta ti: "Ngele ando omalaka agehe kumwe ngoka haga popiwa muAfrica oge thike 1600, nena shika otashiti; ooperesenda 6 dhomalaka omakwaAfrica oge na Ombimbeli ayihe ya gwana po melaka lyawo, manga ooperesenda 31dhomugo oge na konyala embo limwe lyontumba lyomombimbeli nenge omambo ge vule limwe melaka lyawo. Bunkowske okwa ti omatoloko omape gOmbimbeli ge thike po 75 otaga ka pwa moshikako shika shoovula 10, ano 1980-1990.

Pahokololo lyomukonaakoni dhingi, David Barrett gwokuNairobi shaKenya, esiku kehe muAfrica, aantu 20,000 otaa itedhulula, taa taamba  
Tala kep. eti 4

Dha za kepanджа eti 3 Elongoitaalo lyopakriste no-taa ningi aakriste. Ehokololo olya ti: aantu 4,000 yomaaitedhululi mbaka, ohaa zi muupagani wowene. Otaku tengene-kwa wo kutya elongoitaalo lyopaIslam, ekwamuhamendi, ohali likola aaitedhululi aape esiku kehe muAfrica 600. Omusamane Barrett ngoka i ipyakidhila nokukonakona ondjokonona yeindjipalo lyuu-

kriste muAfrica, ota tengeneke kutya momumvo 1900, muAfrica alihe omwa li mu na aakriste ye thike poomiliona 9. Ihe momumvo 1960 omwaalu gwaakriste yomuAfrica o-gwa londo sigo opoomiliona 203. Patengeneko, momumvo 1990, aakriste yomuAfrica otaa ka kala oomiliona 284 nomomumvo 2000, omwaalu otagu ka londa sigo opoomiliona 393. (LWI)



EMBO LOIFO YOMUKWETU YOMUDO 1980, OLA HOLOKA MOFITOLA YOMAMBO.

ENDELELA U LIMONENE PO LOYE, OTAE LIHAKANWA! OTALI PULA R2-60.

HILKKA KANHALELO NA OLIVIA KAKOLOLO, OSHIPAKETE SHENI MOKA MWA GONGELELE ETUMO MONKANI, OSHA TAAMBWA NEPANDULO ENENE.

Andreas Kanhalelo

Oshituthi oshinere shakris-mesa sho shi li po tashi he-dha popepi, kehe gumwe oku li po ta dhiladhila omagano ngoka e na okupa kuume ke.

Mositola yomambo pOniipa otamu monika uukalata wokri smesa!

Ano ino dhimbwa okuninga ko ondalaye.

## EKONAKONO LYA YAKWA ?

Upaka nampeyaka mOwambo oha-  
pu popiwa kutya aanasikola  
yokOluno (St 8), oya li ya  
yakelwa ekonakono lyOBiologi  
komulongi gwoshilongwa shoka  
omumvo gwa yi (1980).

Konima yokukonakona nawa o-  
shinima shika, Oshikondo  
shElongo osha mono kutya  
mbika iifundja yowala. Oshi-  
li oyi li owala mpoka kutya  
omulongi gwoshilongwa shoka  
okwa li a gandja nawa kaa-  
longwa ye owino ndjoka e na  
moshilongwa shoka.

Omipopyo dhimwe tadhi popi  
kutya pOluno nonuumvo opwa  
yakwa ekonakono odha holoka  
ishewe. Omasiku ngaka OMU-  
KWETU okwa yakula wo ombili-  
ve tayi nyenyeta omolwoshi-  
nima shika.

Konima yokulesha ombilive  
ndjika, oshinima osha kona-  
konwa manga, opo ku talike  
mpoka pwa holama oshili. Pa-  
uyelele mboka wa monika ko-  
nima yekonakono lyoshinima,  
ekonakono ndika tali popiwa  
lya yakwa nuumvo, kali shi  
we lystanda 8, ihe olyo-  
standa 5.

Pakupopya kwaanona yaali yo-  
pOluno yomostanda 6 nakamwe  
aniwa kokEheke, mboka ya  
adhika nombapila yomapulo  
OMATEMATIKA (OWISKUNDE) (ya  
ningwa ofotokopi), aniwa  
oyeyi toola mekango li li  
popepi nOniipa.

Nonando ya kamwa nomapulo,  
opo ando ya holole ngoka e  
ya pa ombapila ndjoka yeko-  
nakono, aanona inaa holola  
nando sha. Shika oshe ya  
tidhitha mosikola nekona-

kono kaye li nyolele we. (ano  
mboka yaali yopOluno).

Aatalelisikola aniwa nayo o-  
ya nyengwa okumona kutya oo-  
mbapila dhekonakono ndhoka  
dha adhika pekango kaanona,  
ngele oshili, odha zi naanaa  
peni.

Aayendanandjila yamwe oya  
hokolola kutya esiku lyo-  
ntumba muKotoba 1981, poka-  
ti komutenya, eloli limwe  
lya holomende olyi ile no-  
ndumba yiyagaya eteli yi ti-  
lehi mekango lyopopepi nOna-  
magongwa (ano Onamagongwa yo  
yene yaahe shi ndjoka yopo-  
pepi nopate). Esiku ndyoka  
ekango okwa li lya tya tuu  
to! Aanona yopomudhingoloko  
gwekango oya monikile wo ta  
hadhahadha mondumba yiyaga-  
ya mbyoka. Omweendanandjila  
gumwe sho e ya pula sho taa  
hadha, aanona oya ti otaa  
kongo uunima wawo uwanawa.

Nakupitapo sho a kambadhala  
okupukulula aanona yaa ha-  
dhahadhe we miyagaya nokuya  
lombwela ya ye komagumbo,  
aanona inaa pupa ko. Ngwiya-  
ka okwi ifile okavi - ta yi  
nondjila ye. Eipulo lyomwee-  
ndanandjila olya li:

"Akwetu elalakano olyashike  
lyokweekela iiyagaya mbino  
mongalangala yekango po pwa-  
na oshilambo shiyyagaya?"

Kutya nee pondumba yiyagaya  
opo pwa zi oombapila dheko-  
nakono ndhoka tadhi popiwa,  
nenge hapo epuko ndika lyo-  
kweekelahi iiyagaya shaampo-  
ka oli shi okwoopalekwa mba-  
la, ngele nani etumbulo ndyo-  
ka hali popiwa kutya "WAPEKA  
OWAMBO, oli na natango oonkondo.

## **OUNYUNI OTAU TONGO SHIKE ?**

LUANDA: Pauyelele wa gandjwa koshifo shoshiingilisa CCN - INFORMATION; shoraata yeengeleka muNamibia, ovanhu konyala ve li omilijona imwe muAngola, ova tauka momaumbo avo - nove li eenhauki moshilongo shavo, omolwoiponokela ei hai ningilwa oshilongo osho omafimbo nomafimbo kuSouth Africa.

Otaku tiwa kutya onghalo ei yoita, oya fininika ovakwashiwana aveshe ovo va li mombuwanhu waAngola, va fiye po omaumbo avo nova ka konge eameno koumbanganhu woshilongo.

Vamwe ova tembukila keenhele odo di li kokulekule needoolopa nove li vati tava fi ondjala efiku nefiku. Eshi otashi ningwa shaashi ekwatafano pokati kepangelo novanhu ava, ola djuupalekwa keeboma odo da telwa owina meendjila.

Vati otaku ka kongwa oyee-ndifo oyo tai dulu okukandeka eeboma, opo ovanhu ovo ve li moitukulwa oyo ya monifwa oixuna koita va dule

okukwafwa.

(NOVEMBER 1981 CCN-INVORMATION)

KING WILLIAM'S TOWN: Oumbisofi Desmond Tutu, Amushanga Omukuluntu gwOraata yoengeleka muSouth Africa okwa popile poshigongi shimwe oshinene sha li muKing William's Town omasiku gazi ko.

Mokupopya kwe, Tutu, okwa li unene ta londodha aawiliki yomavigumbo gomu SA, ngaashi Lennox Sebe, Kaizer Matanzima naLucas Mangope, kutya oshigwana onashi ka geye esiku limwe. Omatompelo okwe ga gandja ngaashi tashi landula:

"Tse aakriste uuna tatu popi nokupangula ooveta ndhoka dhaa na uuyuuki, mboka ye na oonkondo miinima yepangelo ohaya ti kutya aakriste otaa tula opolotika mumwe nuukriste.

Monkalo ndjoka yaa na uuyuuki, ngoka a thindilwa pevi

# OUNYUNI OTAU TONGO SHIKE ?

itashi vulika nando a kale e li pokati - kee na kombi-nga hoka a gama - a kale owala ta tala ondjamba ya kayila ombuku ye a mwena.

Kali shi nando epuko lyetu sho twe shi mono mo kutya itatu vulu okukala twa mwena. Ongeleka oyi na okukala ewi lyaamboka kaa na ewi lyasha (aathiminikwa)".

Omumbisofi Tutu sho a li ta popi oshinima shomavigumbo gomu SA, okwa ti: "Mboka ye na oonkondo miinima yepangelo sho taa kambadhala okuni-nga, oku tu ninga aanilongo moshilongo shetu, moka twa valelwa.

Shoka tatu popi, nosho wo twa hala, osho okutopolelelathana oonkondo dhopapolitika; ano inatu hala uupambu mboka wa gu koshitaafula "shomuhona", osho Tutu a hulitha.

(THE VOICE, NOVEMBER 8, 1981)

VATICAN CITY: Moshilando Vatican City muRooma omwa dja onghundana tai popi

kutya okahauto (Mercedes) komupapa Johannes Paulus 11, oko a kala nako eedula 15, paife oka tulwa oitenda yoku ka amena keeholo nokoiponga imwe. Okahauto oka tulwa yo omakende ihaa piti eeholo (bulletproof windows).

Eenghendabala edi adishe oda ningwa omolweyasho loshivakela eli la li la ningilwa omupapa Johannes Paulus 11 eti 13 Mai neudo. Moshipangelo Gamelli, omo omupapa a li ta mono ouhaku, okwa lekelelwe mo eti 14 Aguste neudo.

Vati paife omupapa oku li monghalo ihafifa nota longo oilonga yaye ngaashi shito.

( THE STAR, 30 OCTOBER 1981).

OVENDUKA: Onghundana imwe yoshiponga ya dja mOvenduka otai popi kutya oshitukulwa shimwe shipe shomatungo o-Turnhalle mOvenduka, osha kwatelwe komundilo eti 30 NOvomba lwokeengulasha.

Pamupopyo wovakonaakoni vaasho sha etifa omundilo, meengodi dolusheno vati omo mwa li mwa holoka epuko.

# INYOLITHA OMUKWETU 1982

Inyolitha oshifo shOMUKWETU, opo u kale ho tuminwa - ngo-ye u kundane shoka tashi inyenge mOngeleka nomuuyuni.

Omafutilo komumvo oge li ngeyi: muAfrika alihe R2-60 .  
Kombanda yomafuta, mosikepa: R5-20. Kombanda yomafuta mondhila: R6-24.

Shoka to ningi okuudhitha owala okafooloma nkaka ke li pevi, ka konda mo, e to ka tumu kondjukithi ndjika:

OMUKWETU, Oshako 2013,  
Ondangwa 9000

EDHINA: .....

ONDJUKITHI: .....

.....  
.....  
Kwatha ndje u tumine ndje  
OMUKWETU gwoomwedhi 12 tadhi  
landula. Embesitelo lyandje  
otandi li tumu pamwe noo-  
randa.....

## Omundilo

### Dha za kep. 7

Patengeneko lomutungi woma-  
tungo aa, vati etungululo  
newapaleko laashishe osho  
sha nyonwa po komundilo,  
otashi pula oimaliwa  
R40.000,00.

(WINDMOEK OBSERVER, NOVEMBER 7, 81)

## OMUSIKA 1982

Osikola yomusiki muELOC ko-  
ngwediva otayi ka taamba aa-  
longwa aape 15 omumvo tagu  
ya Kalunga nge e shi hala.  
Osikola otayi ka kala okuza  
Januali sigo oDesemba 1982.  
Etaambo otali ningwa esiku  
lyetameko lyoosikola dhoshi-  
gwana potundi 10.00 yongula.  
Otaku pumbiwa mboka ya pita  
ositanda 5 sigo opombanda.  
Unene mboka taa ka longa oma-  
lwiimbo momagongalo nenge  
moosikola oyo ya pumbiwa.  
Elongo lyoonote nokuhika oyo  
iilongwa ya simana, pamwe  
niilongwa iikwawo yilwe 10.  
Ofuto yosikola : R50.00 ko-  
muntu. Ayehe mbo ya ninga o-  
maindilo naambo inaaya ni-  
nga natango otaa tegelelwa  
ya holoke esiku ndyoka lye-  
taambo kokakonakono ketaa-  
mbelo mo.

MUmbelewamusiki M.Kambudu